

# 卷十四

## 廣文選卷第一

明通議大夫都察院右副都御史大庾劉節廣

天地廣

天地賦

成公子安

書名 廣文選八十二卷 嘉靖十二年序刊本  
撰者 明 劉節 輯  
卷 卷十四  
內容分類 集-總集-詩文  
索書號 大木-集部-總集類-3  
編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始  
有物而混成何元一之芒昧兮廓開闢而著形爾乃清  
濁剖判玄黃判離太極既殊是生兩儀星辰煥列日月  
重規以尊地靜以卑昏明迭炤或盈或虧陰陽協  
氣而謝寒暑隨時而推移三才殊性五行異位千變  
萬化育庶類授之以形稟之以氣色表文采聲有音  
律焉無方流形品物鼓以雷霆潤以慶雲八風翱翔



遊鍾山詩

沈休文

靈山絕地德地險資岳靈終南表秦館少室邇王城北  
阜何其峻林薄杳葱青發地多奇嶺千雲非一狀合沓  
共隱天參差分相望鬱律構丹嶽峻嶒起青嶂卽事旣  
多美臨眺殊復奇南矚儲胥觀西望昆明池山中咸可  
悅賞逐四時移春光發隴首秋風生桂枝多值息心侶  
結架山之足八解鳴澗流四禪隱巖曲

廣文選卷第十三

江都葛澗校

廣文選卷第十四

明通議大夫都察院右副都御史大庾劉節廣

詩

詠懷

在鄒詩

韋孟

微微小子旣苟且陋豈不牽位穢我王朝王朝肅清唯  
俊之庭顧瞻余躬懼穢此征我之退征請于天子天子  
我恤矜我髮齒赫赫天子剛哲且仁縣車之義以洎小  
臣嗟我小子豈不懷土庶我王寤越遷于魯旣去禰祖  
惟懷惟顧祁祁我徒戴負盈路爰戾于鄒箭茅作堂我  
從我環築室于牆我旣遷逝心存我舊夢我瀆上立于  
王朝其夢如何夢爭王室其爭如何夢王我弼寤其外



邦嘆其喟然念我祖考泣涕其漣微微老夫咨既遷絕  
洋洋仲尼視我遺烈濟濟鄒魯禮義唯恭誦習弦歌異  
於他邦我雖鄙耆心其好而我徒侃爾樂亦在而

酈文勝詩 二首

大道夷且長窘路狹且促修翼無卑栖遠趾不步局舒  
吾陵霄羽奮此千里足超邁絕塵驅倏忽誰能逐賢愚  
豈常類稟性在清濁富貴有人籍貧賤無天錄通塞苟  
由已志士不相卜陳平傲里社韓信釣河曲終居天下  
宰食此萬鍾祿德音流千載功名重山嶽

靈芝生河洲動搖因洪波蘭榮一何晚嚴霜悴其柯哀  
哉二芳草不植泰山阿文質道所貴遭時用有嘉絳灌  
臨衡宰謂宜崇浮華賢才抑不用遠投荆南池抱玉乘  
龍驥不逢樂與和安得孔仲尼爲世陳四科

臨終詩

孔文舉

言多令事敗器漏苦不密河潰蟻孔端山壞由猿穴涓  
涓江漢流天窻通冥室讒邪害公正浮雲翳白日靡辭  
無忠誠華繁竟不實人有兩三心安能合爲一三人成  
市虎浸漬解膠漆生存多所慮長寢萬事畢

懷德詩

王仲宣

伊昔值世亂秣馬辭帝京既傷蔓草別方知杖杜情嶠  
函復丘墟冀關緬縱橫倚棹汎涇渭日暮山河清蟋蟀  
依桑野嚴風吹若莖鸛鷁在幽草客子淚已零去鄉三  
十載幸遭天下平賢主降嘉賞金貂服玄纓侍宴出河  
曲飛蓋遊鄴城朝露竟幾何忽如水上萍君子篤惠義



柯葉終不傾福履既所綏千載垂令名

感遇詩

劉公幹

蒼蒼山中桂團圓霜露色霜露一何繁桂枝生自直橘  
柚在南國因君爲羽翼謬蒙聖主私託身文墨職丹采  
既已過敢不自彫飾華月照芳池坐列金殿側微臣固  
受賜鴻恩良未測

述志詩二首

嵇叔夜

潛龍育神軀濯鱗戲蘭池延頸慕大庭寢足俟皇義慶  
雲未垂景盤桓朝陽陂悠悠非我匹疇肯應俗宜殊類  
難徧周鄙議紛流離輶軻丁悔吝雅志不得施耕耨感  
甯越馬席激張儀逝將離羣侶杖策遭洪崖焦鵬振六  
翮羅者安所羈浮遊太清中更求新相知此翼翔雲漢  
飲露食瓊枝多念世間人夙駕咸陽馳冲霄得自然

華安足爲

斥鷃擅蒿林仰笑神鳳飛坎井螭蛭宅神龜安所歸恨  
自用身拙任意多末思遠實與世殊義譽非所希往事  
既已謬來者猶可追何爲人事間自令心不爽慷慨思  
古人夢想見容輝願與知己遇舒憤啓其微巖穴多隱  
逸輕舉求吾師晨登箕山巔日夕不知饑玄居養營魄  
千載長自綏

情詩

徐偉長

高殿鬱崇崇廣廈凄冷冷微風起閨闥落日照階庭踟  
躕雲屋下笑歌倚華楹君行殊不返我飾爲崇榮鑪薰  
闔不用鏡匣上塵生綺羅失常色金翠暗無精嘉肴既



忘御旨酒亦常情顧瞻空寂寂唯聞燕雀聲憂思相連  
屬中心如宿醒

詠懷詩十九首

阮嗣宗

懸車在西南羲和將欲傾流光耀四海忽忽至夕冥朝  
爲咸池暉濛汜受其榮豈知窮達士一死不再生視彼  
桃李花誰能久熒熒君子在何許歎息未合併瞻仰景  
山松可以慰吾情

西方有佳人皎若白日光被服纖羅衣左右被雙璜修  
容耀姿美順風振微芳登高眺所思舉袂當朝陽寄顏  
雲霄間揮袖凌虛翔飄飄恍惚中流盼顧我傍悅懌未  
交接晤言用感傷

東南有射山汾水出其陽八龍服氣輿雲蓋覆天綱仙  
者五六人逍遙曼蘭房寢息一純和呼翕成露霜沐浴  
丹淵中照耀日月光豈安通靈臺游養去高翔

殷勤令志結怵惕常若驚逍遙未終宴朱華忽西傾蟋  
蟀在戶牖螻蛄號中庭心腸未相好誰云亮我情願爲  
雲間鳥千羣一哀鳴三芝延瀛洲遠遊可長生

炎光延萬里洪川蕩湍瀨彎弓掛扶桑長劒倚天外秦  
山成砥礪黃河爲棠帶視彼莊周子榮枯何足賴捐身  
弃中野鳥鳶作患害豈若雄傑士功名從此大

壯士何慷慨志欲威八荒驅車遠行役受命念自忘良  
弓挾烏號明甲有精光臨難不顧生身死魂飛揚豈爲  
全軀士效命爭戰場忠爲百世榮義使令名彰垂聲謝  
後世氣節故有常



若花耀四海扶桑翳瀛洲日月经天塗明暗不相投窮  
達自有常得失又何求豈效路上童携手共遨遊陰陽  
有變化誰云沉不浮朱鼈躍飛泉夜飛過吳洲俛仰運  
天地再撫四海流繫累名利場駕駿同一轡豈若遺耳  
目升遐去殷憂

駕言發魏都南向望吹臺簫管有遺音梁王安在哉戰  
士食糟糠賢者處蒿萊歌舞曲未終秦兵已復來林夾  
非吾有朱宮生塵埃軍敗華陽下身竟爲土灰

朝陽不再盛白日忽西幽去此若俯仰如何似九秋人  
言若塵路天道日悠悠齊景升丘山涕泗紛交流孔孟  
臨長川借逝忽若浮去者余不及來者吾不留願登太  
華山上與松子遊漁父知世患乘流泛輕舟

混元生兩儀四象運衡璣曠日布炎精素月垂景耀  
度有昭回哀哉人命微飄若風塵逝忽若慶雲晞修齡  
適余願光寵非已威安期步天路松子與世違焉得凌  
霄翼飄飄登雲魏嗟哉尼父志何爲居九夷

天綱彌四野六翮掩不舒隨彼紛綸客汎汎若鳬翳生  
命無期度朝夕有不虞列仙停修齡養志在冲虛飄飄  
雲日間邈與世路殊榮名非已寶聲色焉足娛採藥無  
旋返神仙志不符逼此良可感令我多躊躇

王業湏良輔建功俟英雄元凱康哉美多士頌聲隆陰  
陽有舛錯日月不常融天時有否泰人事多盈冲園綺  
遯南岳伯陽隱西戎保身念道真寵耀焉足崇人誰不  
善始尠能克厥終休哉上世士萬載垂清風



鴻鵠相隨飛浩渺運荒裔揮翮凌長風須臾萬里逝朝  
餐琅玕實夕栖丹山際抗身青雲中網羅孰能制豈與  
鄉曲士攜手共言誓

拔劍臨白刃安能相中傷但畏工言子稱我三江旁飛  
泉流玉山懸車栖扶桑日月徑千里素風發微霜世路  
異窮達咨嗟安可長

朝登洪波顛日夕望西山荆棘被原野羣鳥飛翩翩鸞  
鷺時西宿性命有自然庭木誰能近秋月復嬋娟不見  
林中葛延蔓相勾連

驅車出門去意欲遠征行征行安所如背弃夸與名夸  
名不在已但願適中情帷蔽皎日高榭隔微聲讒邪  
使交流浮雲令晝冥熾婉同衣裳一顧傾人城從容在  
一時繁華不再榮晨朝奄復暮不見所歡形黃鳥東南

飛寄言謝友生

一日復一夕一夕復一朝顏色改平常精神自損消胃  
中懷易火變化故相招萬事無窮理知謀苦不饒但恐  
須臾間魂氣隨風飄終身履薄冰誰知我心焦

一日復一朝一昏復一晨容色改平常精神自飄淪臨  
觴多哀楚思我故時人對酒不能言悽愴懷酸辛願耕  
東臯陽誰與守其真愁苦在一時高行傷微身曲直何  
所爲龍蛇爲我憐

世務何續紛人道苦不遑壯年以時逝朝露待太陽願  
攬羲和轡白日不移光天階路殊絕雲漢邈無梁濯髮  
暘谷濱遠遊崑岳傍登彼列仙岵採此秋蘭芳時路烏



足爭太極可翱翔

情詩 二首

張茂先

北方有佳人端坐鼓鳴琴終晨撫管絃日夕不成音憂  
來結不解我思存所欽君子尋時役幽妾懷苦心初爲  
三載別於今久滯淫若耶生戶牖庭內自成陰翔鳥鳴  
翠偶草虫相和吟心悲易感激俛仰淚流矜願託晨風  
翼東帶侍哀衾

明月曜清景曦光照玄墀幽人守靜夜迴身入空帷束  
帶俟將朝廓落晨星稀寐假交精爽覲我佳人姿巧笑  
媚懽靨聯娟眸與眉寐言增長嘆悽然心獨悲

榮木詩 四首

陶淵明

采采榮木結根千茲晨耀其華夕已喪之人生若寄顛  
顛有時靜言孔念中心悵而○采采榮木猶茲計根繁  
華朝起慨暮不存真脆由人禍福無門匪道曷依匪善  
奚敦○嗟余小子稟茲固陋徂年旣流業不增舊志彼  
不舍安此日富我之懷矣恒焉內疚○先師遺訓余豈  
云墜四十無聞斯不足畏脂我名車策我名驥千里雖  
遙孰敢不至

哀傷

怨詩

王嬙

秋木萋萋其葉萎黃有鳥處山集于苞桑養育毛羽形  
容生光旣得升雲上遊曲房離宮絕曠身體摧藏志念  
抑沉不得頡頏雖得委食心有徊徨我獨伊何來往變  
常翩翩之鸞遠集西羌高山峩峩河水泱泱父兮母兮



道里悠長嗚呼哀哉憂心惻傷

悲憤詩二首

蔡琰

嗟薄祐兮遭世患宗族珍兮門戶單身執畧兮入西關  
歷險阻兮之羗蠻山谷眇兮路曼曼眷東顧兮但悲歎  
寘當寢兮不能安饑當食兮不能餐常流涕兮皆不乾  
薄志節兮念死難雖苟活兮無形顏惟彼方兮遠陽精  
陰氣凝兮雪夏零沙漠壅兮塵冥冥有草木兮春不榮  
人似禽兮食臭腥言塊離兮狀窮停歲聿暮兮時邁征  
夜悠長兮禁門扃不能寐兮起屏營登胡殿兮臨黃庭  
玄雲合兮翳月星北風厲兮肅冷冷胡笳動兮邊馬鳴  
孤鴈歸兮聲嚶嚶樂人興兮彈琴箏音相和兮悲且清  
心吐思兮胸憤盈欲舒氣兮恐被驚含哀咽兮涕沾頤  
家既迎兮當歸寧臨長路兮捐所生兒呼母兮嗁失聲  
我掩耳兮不忍聽追持我兮走箠箠頓復起兮毀顏形  
還顧之兮破人情心恒絕兮死復生

漢季失權柄董卓亂天常志欲圖篡弒先害諸賢良逼  
迫遷舊邦擁主以自疆海內興義師欲共討不祥卓衆  
來東下金甲耀日光平土人脆弱來兵皆吾羗獵野圍  
城邑所向悉破亡斬殲無孑遺尸骸相穿拒馬邊縣男  
頭馬後載婦女長驅西入關迥路險且阻還顧邈冥冥  
肝脾爲爛腐所畧有萬計不得令屯聚或有骨肉俱欲  
言不敢語失意機微間輒言斃降虜要當以亭刃我曹  
不活汝豈復惜性命不堪其言罵或便加捶杖毒痛參  
井下旦則號泣行夜則悲吟坐欲死不能得欲生無一



可彼蒼者何辜乃遭此厄禍邊荒與華異人俗少義理  
處所多霜雪胡風春夏起翩翩吹我衣蕭蕭入我耳感  
時念父母哀嘆無窮已有客從外來聞之常歡喜迎問  
其消息輒復非鄉里邂逅微時願骨肉來迎已已得自  
解免當復棄兒子天屬綴人心念別無會期存亡未乖  
隔不忍與之辭兒前抱我頸問母欲何之人言母當去  
豈復有還時阿母常仁惻今何更不慈我尚未成人柰  
何不顧思見此崩五內恍惚生狂疾號泣手撫摩當發  
復回疑兼有同時輩相送告離別慕我獨得歸哀叫聲  
摧裂馬爲立踟躕車爲不轉轍觀者皆歔歔行路亦嗚  
咽去去割情戀遄征日遐邁悠悠三千里何時復交會  
念我出腹子匈臆爲摧敗既至家人盡又復無中外戚  
郭爲山林庭宇生荆艾白骨不知誰從橫莫覆蓋出門  
無人聲豺狼號且吠竿竿對孤景怛咤糜肝肺登高遠  
眊望魂神忽飛逝奄若壽命盡旁人相寬大爲復疆視  
息雖生何聊賴託命於新人竭心自勗厲流離成鄙賤  
常恐復損廢人生幾何時懷憂終年歲

怨篇詩

張平子

猗猗秋蘭植彼中阿有馥其芳有黃其葩雖曰幽深厥  
美稱嘉之子之遠我勞如何

七哀詩

阮元瑜

丁年難再遇富貴不重來良時忽一過身體爲土灰冥  
冥九泉室湯湯長夜臺身盡氣力索精魂靡所迴嘉穀  
設不御旨酒盈觴杯出曠望故鄉但見蒿與萊



思慕詩

吳季重

愴愴懷殷憂殷憂不可居徙倚不能坐出入步踟躕念  
蒙聖主恩榮爵與衆殊自謂永終身志氣甫當舒何意  
中見弃弃我就黃墟皃皃靡所恃淚下如連珠隨沒無  
所益身死名不書慷慨自俛仰庶幾烈丈夫

哀詩

潘安仁

漉如葉落樹懇若雨絕天雨絕有歸雲葉落何連山時  
氣冒岡嶺長風鼓松栢堂虛聞鳥聲室暗如日夕晝愁  
奄逮昏夜思忽終昔展轉獨悲窮泣下沾枕席人居天  
地間飄若遠行客先後詎能幾誰能弊金石

表哀詩

孫興公

茫茫太極賦授理殊咨生不辰仁考夙且微微中弱少  
眇偏孤叩心昊蒼痛貫黃墟肅我以義鞅我以仁嚴道  
商風思洽陽春昔聞鄒母勤教善分懿矣慈妣曠世齊  
運嗟予小子譬彼土糞俯愧陋質仰天高訓悠悠玄運  
四氣錯序自我酷痛載離寒暑寥寥空堂寂寂響戶塵  
蒙几遙風生棟宇感昔有恃望晨遲顏婉孌懷袖極願  
盡歡柰何茲妣歸體幽埏酷矣痛深剖髓摧肝

悲從弟仲德詩

陶淵明

銜哀過舊宅悲淚應心零借問爲誰悲懷人在九冥禮  
服名羣從恩愛若同生門前執手時何意爾先傾在數  
竟不免爲山不及成慈母沈哀疚二胤纔數齡雙泣委  
空館朝夕無哭聲流塵集虛坐宿草旅前庭階除曠遊  
迹園林獨餘情翳然乘化去終天不復形遲遲將回步



惻惻悲襟盈

廣文選卷第十四

江都葛澗校

廣文選卷第十五

明通議大夫都察院右副都御史大庾劉節廣

詩

贈答上

錄別詩六首

李少卿

有鳥西南飛熠熠似蒼鷹朝發天北隅暮聞日南陵欲  
寄一言辭託之牋綵繒因風附輕翼以遺心蘊蒸鳥辭  
路悠長羽翼不能勝意欲從鳥逝駕馬不可乘

爍爍三星列拳拳月初生寒涼應節至蟋蟀夜悲鳴晨  
風動喬木枝葉日夜零遊子暮思歸塞耳不能聽遠望  
正蕭條百里無人聲豺狼鳴後園虎豹步前庭遠處天  
一隅苦困獨零丁親人隨風散歷歷如流星三革離不